



ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՒՌՈՒՄ

Սեպտեմբերի 8-ին, կիրակի.—Տօն Մընդեան Սրբուհոյ կուսին Մարիամու յԱնայե:

Մայր տաճարում, ս. պատարագի ընթացքում, ձեռամբ Մայր Աթոռի դիվանապետ Տ. Ներսես եպս. Պոպապայանի, քահանայական կոչում և ձեռնադրություն ստացան հոգևոր ձեռնարանի շրջանավարտ հինգ շնորհալի սարկավագներ՝ Ստեփան արկ. Կարապետյանը, Մեսրոպ արկ. Խաչիկյանը, Վահան արկ. Խաչատրյանը, Մկրտիչ արկ. Ներսիսյանը և Գուրգեն արկ. Մարտիրոսյանը:

ԿՈՉՈՒՄ ՆՈՐԸՆԾԱՆԵՐԻ

Սեպտեմբերի 7-ին, շաբաթ օրը, երեկոյան, տեղի ունեցավ «Յերեկոյե կոչումն քահանայութեան» կարգը՝ խարտավիակությամբ Տ. Աբել աբեղա Օղուգյանի, որը վկայեց նորընծաների հոգեկան և մտավոր պատրաստվածության և արժանիքների մասին: Ապա նորընծաները խոստացան «յանձն առնուլ և կատարել զամենայն հրամանս սրբոց առաքելոցն և հայրապետացն և կալ ըստ կանոնաց նոցա», «ամենայն պատրաստութեամբ և առանց ձանձրանալոյ կալ ի պաշտօնն Աստուծոյ» և պահել «պղաւնութիւն ուղղափառ հաւատոյ, ընդ սուրբ Հայրապետսն ըստ երից սուրբ ժողովոց»:

Կոչման արարողության ավարտին նորընծաները հրապարակորեն արտասանում են Հայաստանյայց Առաքելական Եկեղեցու «Հաւատոյ խոստովանութիւն»-ը, ըստ Գրիգոր Տաթևացու սահմանած բանաձևի (Մաշտոց, Վաղարշապատ, 1876, էջ 36—37):

ՁԵՌՆԱԴՐՈՒԹՅԱՆ ԵՎ ՕԾՄԱՆ ԿԱՐԳ

Սեպտեմբերի 8-ին, կիրակի օրը, Մայր տաճարում ս. պատարագ մատուցեց Տ. Ներսես եպիսկոպոս Պոպապայանը:

Ս. պատարագը շարունակվեց մինչև «Ձի ողորմած և մարդասեր ես Աստուած» աղոթքը: Վեհաշուք հնչեց «Այսօր Աստուածութիւնն զուարճանայ» շարականը:

Նորընծաները, Աբել աբեղա Օղուգյանի առաջնորդությամբ, ծնրադիր, ձախակողմյան աստիճաններով բարձրացան Ավագ խորան և, հավատացյալների խոսներամ բազմությանը դառնալով, բարձրացրեցին իրենց ձեռքերը՝ ի նշան աշխարհից հրաժարման:

Մայր տաճարի խնկաբույր կամարների տակ հանդիսավորությամբ ու հաղթական հնչեց «Աստուածային եւ երկնաւոր շնորհ որ միշտ լնու պպետս սրբոյ սպասաւորութեան առաքելական եկեղեցւոյ» շարականը: Նույն պահին ժողովուրդը, հոգեպես միաձուլվելով արարողությանը, համույժմով ու գոհունակությամբ վկայեց. «Արժանի են»:

Ապա նորընծաները ծնրադիր շրջվեցին դեպի Ավագ սեղան, և ձեռնադրող սրբապան հայրը, ընթերցելուց հետո ձեռնադրության մեծ աղոթքը, խաչաձև «դնե վաջն ի վերայ գլխոյն նուիրելոյ»:

Այնուհետև սրբապանը «ձեռամբ բերե զուրարն զպարանոցան ի ձախմէ ի յաջ»:

Ս. Գրքից օրվա ընթերցվածքից հետո, միաբերան աավեց «Հաւատամք»-ը: Եվ ս. պատարագը շարունակվեց մինչև «Ողջոյն տուք միմեանց», որից հետո աղոթքով և



Մի պահ ձեռնադրության արարողությունից

սրբությամբ նորընծաները ստանում են քահանայական փիլոն և պատարագի զգեստներ: Հնչում է զգեստավորման «խորհուրդ խորին» շարականը:

Ձեռնադրության հանդիսավոր արարողությունը հասնում է իր հոգևոր վերացման սրբական բարձունքին:

Օծման խորհրդավոր պահն է: Ձեռնադրիչ սրբականի դիմաց քահանայական լրիվ զգեստավորման մեջ, ավագության կարգով, կանգնել են նորընծաները: Ձեռնադրող սրբականը մեկ առ մեկ սրբալույս մեռնով օծում է նորընծաների ճակատն ու ձեռքերը՝ նրանց վերանվանելով նոր անուններով:

Ստեփան արկ. Կարապետյանը դարձավ Ս. Պսակ քահանա, Մեսրոպ արկ. Խաչիկյանը՝ Ս. Մաշտոց քահանա, Վահան արկ. Խաչատրյանը՝ Ս. Չավեն քահանա, Մկրտիչ արկ. Ներսիսյանը՝ Ս. Եղբայր քահանա, Գուրգեն արկ. Մարտիրոսյանը՝ Ս. Պարզև քահանա:

Այնուհետև Ս. Ներսես եպս. Պոպապայանը նորընծաներին է տալիս «զակին և զմաղվման», որպես պատարագ մատուցելու իշխանության նշանակ: Դառնալով ժողովրդին, նորընծաները տալիս են իրենց առաջին օրհնությունը՝ «խաղաղություն ամենեցուն»:

Ապա պատարագիչ սրբականը բովանդակալից ու խրախուսական շնորհավորական քարոզով դիմում է նորընծաներին՝ նրանց ցանկանալով հավատք, կորով, կարողություն՝ փառավորելու համար իրենց սրբական կոչումը՝ ի պայծառություն մեր Ս. Եկեղեցու:

«Ողջոյն»-ի պահին պատարագիչ սրբականը ողջագուրվում է նորընծաներին: Ներան հետևում են բոլոր «քահանայք և սարկաւազք»:

ՎԵՂԱՐԻ ՏՎՉՈՒԹՅՈՒՆ

Նույն օրը, երեկոյան, կատարվում են «օրհնություն արեղայի» և «օրհնություն վեղարի» կարգերը:

Աստվածաշնչական համապատասխան ընթերցումներից, շարականներից և աղոթքներից հետո, Մայր Աթոռի դիվանապետ Ս. Ներսես եպս. Պոպապայանը հանում է նորընծաների գլխից սարկավագական ջրբուխ (գդակ) և այն փոխարինում՝ կուսակրոն քահանայության խորհրդանիշ վեղարով:

«Հանցե Աստուած ցիին մարդն գործովք իւրովք: ...Աստուած զգեցուցե քեզ ցնոր մարդն՝ որ ըստ Աստուծոյ հաստատեալ է արդարութեամբ և օրհնութեամբ»:

«Պահպանիչ»-ով ավարտվում է վեղարի տվչության սույն կարգը, որից հետո նորընծա Ս. Պսակ, Ս. Մաշտոց, Ս. Չավեն, Ս. Եղբայր, Ս. Պարզև արեղաները Մայր տաճարի լուսարարապետ Ս. Հուսիկ արքեպ. Սանթրույանի և ձեռնադրող Ս. Ներսես եպս. Պոպապայանի առաջնորդությամբ ներկայանում են Վեհափառ Հայրապետին:

Վեհարանում Նորին Սրբությունը գոհունակությամբ և սիրով ընդունում է իր հոգեվոր զավակներին, շնորհավորում նրանց և մաղթում, որ լինեն հավատավոր ու հարակատ զավակները Մայր Աթոռի և արժանավոր սպասավորները Հայ Եկեղեցու:

Նորընծա հինգ արեղաները իրենց կանոնական-ավանդական քառասունքը անցկացրին Մայր Աթոռի վանական և խաղաղ մղթնություն:

*
* *

Հոկտեմբերի 5 և 6 օրերին, ջաբաթ և կիրակի, ուրախության և հոգևոր մխիթարության օրեր եղան Մայր Աթոռ Ս. Էջմիածնի համար: Այդ օրերին հոգևոր ձեռնարանի նախկին շրջանավարտ բարեշնորհ Գրիգոր արկ. Չմրուխտյանը ԱՄՆ-ի արևմտյան թեմի առաջնորդ Ս. Վաչե արքեպ. Հովսեփյանի կողմից ստացավ քահանայական ձեռնադրություն:

Շաբաթ օրը, երեկոյան, Ս. Վաչե արքեպ. Հովսեփյանի ձեռամբ կատարվում է նորընծայի կոչման կարգը՝ խարտավիակությամբ Ս. Վիգեն վրդ. Այթապյանի:

Կիրակի օրը, հղնթացս ս. պատարագի, տեղի ունեցավ ձեռնադրությունը:

Հավուր պատշաճի ոգեշունչ և խրատական քարոզ ասաց ձեռնադրող սրբականը:

*
* *

«Էջմիածին» ամսագրի խմբագրությունը այս ուրախ առիթով ջերմորեն շնորհավորում է նորընծաներին, ցանկանում նրանց հաջողություն՝ իրենց պաշտոնի ու ծառայության մեջ՝ ի պայծառություն Մայր Աթոռի և մեր Եկեղեցու, ի մխիթարություն հավատացյալ ժողովրդի: